Ўзбекистон Республикаси номидан ХАЛ ҚИЛУВ ҚАРОРИ

Ғаллаорол тумани

2023 йил 19 декабрь

Ғаллаорол туманлараро иқтисодий судининг судьяси А.Норқўзиев раислигида, судья ёрдамчиси Э.Мамаражаповнинг котиблигида, даъвогар вакили О.Қулдошев (2023 йил 12 декабрдаги 152-сонли ишончнома асосида) иштирокида, даъвогар "JIZZAX FV AGROKLASTER" масъулияти чекланган жамияти манфаатида Ўзбекистон Савдо-саноат палатаси Жиззах вилоят худудий бошқармасининг жавобгар "QANGLI SILK" фермер хўжалигидан 29.600.000 сўм қарздорлик ундириш тўғрисидаги даъво аризаси бўйича ишни Ғаллаорол туманлараро иқтисодий суди биносида бўладиган очиқ суд мажлисида кўриб чиқиб, қуйидагиларни

аниқлади:

"JIZZAX FV AGROKLASTER" масъулияти чекланган жамияти - ("Етказиб берувчи") ва "QANGLI SILK" фермер хўжалиги ("Буюртмачи") ўртасида 2023 йил 14 мартдаги F/88-сонли "Қишлоқ хўжалик маҳсулотлари ҳарид қилиш бўйича" контрактация шартномаси тузилган.

Мазкур шартнома шартларига кўра, "Етказиб берувчи" – "JIZZAX FV AGROKLASTER" масъулияти чекланган жамияти уруғлик картошкани "Буюртмачи" - "QANGLI SILK" фермер хўжалигига етказиб бериш, "Буюртмачи" - "QANGLI SILK" фермер хўжалиги эса "Етказиб берувчи" – "JIZZAX FV AGROKLASTER" масъулияти чекланган жамияти томонидан етказиб берилган уруғ картошкани ҳақини тўлаш мажбуриятини олган.

Ушбу шартномага асосан, "JIZZAX FV AGROKLASTER" масъулияти чекланган жамияти томонидан "QANGLI SILK" фермер хўжалигига 29.600.000 сўмлик уруғлик картошкани етказиб берилган.

Жавобгар "QANGLI SILK" фермер хўжалиги даъвогар "JIZZAX FV AGROKLASTER" масъулияти чекланган жамиятидан 29.600.000 сўм қарздор бўлиб қолган.

Даъвогар "Қарздорликни тўлаш тўғрисида" ги талабномалари жавобгарга жўнатилган. Жавобгар томонидан даъвогарнинг "Қарздорликни тўлаш тўғрисида" ги талабномалари ижросиз ва жавобсиз қолдирилган.

Ушбу ҳолатга асосланган даъвогар судга даъво аризаси билан мурожаат этишга мажбур бўлган.

Ўзбекистон Республикаси Конституциясининг 55-моддаси 3-қисмига кўра ҳар ким бузилган ҳуқуқ ва эркинликларини тиклаш учун унинг иши қонунда белгиланган муддатларда ваколатли, мустақил ҳамда холис суд томонидан кўриб чиқилиши ҳуқуқи кафолатланади.

Суд мажлисининг вақти ва жойи тўғрисида тегишли тартибда хабардор қилинган жавобгар суд мажлисига келмади.

Ўзбекистон Республикаси иқтисодий процессуал кодексининг 170-моддаси учинчи қисмига кўра, иш муҳокамасининг вақти ва жойи тўғрисида тегишли тарзда хабардор қилинган жавобгар, учинчи шахслар суд мажлисига келмаса, низо уларнинг йўқлигида ҳал қилиниши мумкин.

Ушбу холатда суд, тақдим этилган ҳужжатлар ишни мазмунан кўриб чиқиш имкониятини беришини инобатга олиб, жавобгар вакилининг иштирокисиз ишни кўришни мумкин деб ҳисоблайди.

Суд мажлиси муҳокамасида иштирок этган даъвогар вакили О.Қулдошев тушунтириш бериб, даъво аризани қўллаб-қувватлаб, тўлиқ қаноатлантириб беришни сўради.

Ўзбекистон Республикаси Фуқаролик кодексининг 236-моддасига кўра, мажбуриятлар мажбурият шартларига ва қонун ҳужжатлари талабларига мувофиқ, бундай шартлар ва талаблар бўлмаганида эса - иш муомаласи одатларига ёки одатда қўйиладиган бошқа талабларга мувофиқ лозим даражада бажарилиши керак.

Ушбу Кодекснинг 333-моддасига кўра қарздор айби бўлган тақдирда мажбуриятни бажармаганлиги ёки лозим даражада бажармаганлиги учун, агар қонун ҳужжатларида ёки шартномада бошқача тартиб белгиланмаган бўлса, жавоб беради.

Ушбулардан келиб чиқиб, суд даъвогарнинг даъво аризасини тўлиқ қаноатлантиришни, давлат божи ва почта ҳаражатларини жавобгардан ундиришни лозим деб ҳисоблайди.

Юқоридагиларга кўра ҳамда Ўзбекистон Республикаси Фуқаролик кодексининг 236, 333-моддаларини, Ўзбекистон Республикаси Иқтисодий процессуал кодексининг 118, 127-129, 170, 176-179, 186-моддаларини қўллаб, суд

қарор қилади:

Даъвогарнинг даъво аризаси тўлиқ қаноатлантирилсин.

Жавобгар "QANGLI SILK" фермер хўжалигидан даъвогар "JIZZAX FV AGROKLASTER" масъулияти чекланган жамияти фойдасига 29.600.000 сўм қарздорлик ва 33.000 сўм почта ҳаражати ундирилсин.

Жавобгар "QANGLI SILK" фермер хўжалигидан Республикаси бюджетига 592.000 сўм давлат божи ундирилсин.

Ҳал қилув қарори қонуний кучга киргач ижро варақалари берилсин.

Хал қилув қарори қабул қилинган пайтдан бошлаб бир ой муддат ўтгач қонуний кучга киради.

Мазкур ҳал ҳилув ҳароридан норози тараф бир ой муддат ичида шу суд орҳали Жиззах вилоят судининг иҳтисодий ишлар бўйича судлов хайъатига апелляция тартибида шикоят (протест) келтириши мумкин.

Судья

А.Норқўзиев